

國籍
學彙
珍編

稼軒詞疏證



廣文書局
印行











宋·辛棄疾撰
梁啓勳疏證

國學珍
籍彙編

稼



詞
疏
證

廣文書局印行

本書承
惠借影
印



中央研究
院
此致謝

新會梁啟勲所著書

稼軒詞疏證

閩縣林志鈞題



林序

自漁洋尊詩抑詞奉其說者或不免有所軒輊顧其
故亦可得而言焉周美成詞所謂無美不備者然如
『強整羅衣擡皓腕更將紈扇掩酥胸羞郎何事面
微紅』愛殘朱宿粉雲鬟亂最好是帳中見』蘭袂
褪香羅帳裏紅繡枕旋移相就海棠花謝春融暝
倦人恁嬌波頻溜象牀穩鴛衾謾展浪翻紅綰』此類
豔辭綺語集中到處可見劉融齋謂周詞旨蕩學之
則不知終日意縈何處矣至於屯田樂章之流尤喜
揣摩牀第描述中葦骨格不存益無足道大抵詞家
以託言比賦無事檢束舉凡側媚靡曼之辭不可入

詩者一於詞發之。晏元獻、歐陽公且有「淡薄梳粧輕結束，天付與、臉紅眉綠，斷環書素，傳情久許，雙飛同宿」及「走來窗下笑相扶，愛道畫眉深淺入時無」，「水精雙枕，傍有墮釵橫」諸語，他更無論耳。憶吾鄉王碧栖有以詞人稱之者，則怫然曰：「獨不可爲詩人乎？」碧栖已作古人，此語猶傳人口。今日詞學復興，世之愛重或有過于詩者，十年以前不爾也。至若稼軒之氣象卓犖，一洗香澤脂粉之習，宜其獨有千古矣。論者或謂其粗獷少蘊蓄深厚之旨，或指摘其音律不精，歌麻雜用，張玉田於稼軒卽有微詞。後人竟謂辛詞不可學，是皆非知言者。王靜庵謂南宋詞

人其堪與北宋人頡頏者。唯幼安一人。其推挹也如此。飲冰室好之尤篤。平時談詞。輒及稼軒。蓋其性情懷抱均相近。晚乃有稼軒年譜之作。遂成絕筆。可傷也。介弟仲策先生亦喜攻稼軒詞。己巳初冬始有疏證之作。歲暮脫稿。所收都凡六百廿三首。分卷六。以視信州本之五百七十二首。吳文恪所收宋四卷本之四百廿七首。此編爲最富矣。書旣成。屬余爲之序。按稼軒詞行世者。今日通行刊本。卽所謂信州十二卷本。此本宋刻不傳。元大德己亥廣信書院重刊。明萬曆閒刊行之李濂評點本。亦卽十二卷本。毛氏汲古閣宋六十名家詞所收稼軒集。雖是四卷。而編次

與萬曆本同其祖本亦信州本也嘉慶間萬載辛敬甫刻稼軒詞卽據毛氏本近日王半塘所刻稼軒詞則翻刻元大德本皆屬十二卷一系外此者宋刻有長沙本宜春張氏本皆不傳永樂大典引稼軒詞經法梧門錄出辛敬甫據以刻稼軒詞補遺宋古微收入彊村叢書者其佚詞有廿餘首皆他本所無此又別爲一本入明以後乃失傳耳至宋史藝文志及馬端臨文獻通攷著錄稼軒詞四卷本則傳世絕少明吳文恪（訥）之唐宋名賢百家詞所收稼軒集分甲乙丙丁四卷與汲古閣四卷本異飲冰定爲卽攷獻通攷著錄之四卷本有二十闕爲信州十二卷本

所無稼軒詞集本當以此爲最古。近武進陶氏刻宋元本詞集其稼軒詞三卷爲宋淳熙本。蓋與吳氏同一祖本而缺其一卷耳。飲冰之作稼軒年譜卽以得見吳本每卷所載略具編年之意。可由此而知其作詞之時代。年譜中所考證卽爲稼軒詞編年之準備。仲策此作可謂能繼飲冰未竟之業而補苴訂正之功。尤不可沒。惜乎飲冰之不及見也。仲策所疏如感皇恩。滁州送范倅詞。據南宋文範。周孚滁州奠枕樓記。證明稼軒蒞滁任在乾道八年。滿江紅。賀王帥宣子。平湖南寇詞。引史。王佐破陳峒事在淳熙六年四月。滿庭芳。和洪景伯及游豫章東湖三詞。引景伯詞。

集盤洲樂章證明在淳熙八年辛丑水龍吟甲辰歲
壽韓南澗尚書引南宋文錄洪景廬所作稼軒記證
明淳熙十一年甲辰稼軒在湖南沁園春帶湖新居
將成詞據景廬稼軒記及辛敬甫編稼軒年譜證明
帶湖新居落成於淳熙十二年乙巳並知移帥隆興
府乃在十二年同調送趙景明知縣東歸引歷代詩
餘趙和章及邱宗卿和章知淳熙十一年甲辰冬初
稼軒猶在湖南又稼軒落職家居之年宋史本傳失
載辛敬甫舊譜罷官在戊申飲冰推定爲丙午丁未
間仲策根據西河送錢仲耕自江西漕移守婺州一
首有對梅花更消一醉句知必在冬日而乙巳冬之

菩薩蠻有霜落瀟湘白之句知乙巳猶在湖南又據
洪景盧稼軒記證明稼軒乙巳在湖南則江西送錢
仲耕之作必在丙午冬一飲冰以爲乙巳作一是冬
稼軒尚在江西按撫任則落職必爲丁未無疑清平
樂壽信守王道夫詞據錢士升之南宋書王道夫淳
熙進士又南宋文錄亦載道夫淳熙中登進士卒於
紹熙中證明廣信府志紹興初出知信州之誤紹興
稼軒尚未生當是誤紹熙爲紹興醉翁操贈范廓之
題中今天子卽位云云疏證引紹熙元年劉光祖奏
章與本題語意脗合定爲此詞必爲光宗紹熙元年
庚戌作水調歌頭席上用黃德和推官韻壽南澗詞